

Rapport dalla cumischung da gestiun davart igl chint annual 2024

Igl rendachint 2024 digl cumegn da Surses è nia revidia digl biro fiduziar Curia AG.

Cun aveir en revisorat extern renunztga la cumischung da gestiun ad ulteriouras controllas digl rendachint. An sedutas comunablas cun la suprastanza communal vagn nous pero discuto an detag igl chint administrativ e la bilantscha.

La cumischung da gestiun ò er piglia cunaschientscha da tot igls protocols da suprastanza per examinar la gestiun digls different affars. Noua tgi nous vagn catto per basigns vainsa intervignia directamaintg tar la suprastanza communal.

An sies rapport testifitgescha igl biro Curia Treuhand AG, tgi igl rendachint 2024 corresponda allas prescripziuns legalas. El recumondan d'approvar igl rendachint 2024.

Alla basa digl rapport digl post da revisiun extern e nossas controllas dallas differentas gestiuns proponignsa alla radunanza communal d'approvar igl chint preschento e da discarger tant la suprastanza communal scu er igls collaboratours responsabels.

Nous angraztgagn agl manader ed a tot las collaboratouras ed a tot igls collaboratours dalla partiziun da finanzas, scu er alla suprastanza communal ed agls commembers dalla direcziun digl cumegn da Surses per lour labour prestada.

Tinizong, igls 19 da matg 2025

La cumischung da gestiun:



Lothar Künzli, parsoura



Armando Janett, commember



Albino Sterli, commember